

毛

詩

原

解

毛詩原解卷九

齊

齊太公望之封國古營丘臨菑之地今山東濟南府是也五霸始鄭而齊繼之故次齊蓋魯既升爲頌諸侯無先齊者矣齊風多魯事魯無風而于齊可以觀魯聖人蓋微之也

雞既鳴矣

朝

既盈矣匪雞則鳴蒼蠅之聲○東方明

叶

矣朝既昌矣匪東方則明月出之光○蟲飛薨薨

叶

其與子同夢

叶

會且歸矣無庶予子憎

叶

古序曰雞鳴思賢妃也毛公曰哀公荒淫怠慢故陳

賢妃貞女夙夜警戒相成之道焉○朱子卽以爲賢

妃之辭非也齊自太公五傳而哀公荒淫紀侯譖于

周懿王殺而烹之故齊變風自此始思古以刺今也

○章一人君辨色視朝雞鳴則夫人鳴玉佩于房中告

君曰雞鳴矣會朝諸臣盈矣其實雞尚未鳴乃蒼蠅

之聲夫人心切而誤聽耳○章二旣又告曰東方明矣

會朝之臣旣盛矣其實東方尚未明乃月出之光夫

人心切而誤視耳○章三旣又告曰天將旦矣百蟲飛

聲薨薨矣豈不樂與子寢而同夢但朝會諸臣俟君

久且歸矣無以我之故多與子以憎惡也古賢妃如

此。今何獨不然。

雞鳴三章。章四句。

子之還。

旋

兮。遭我乎獺

鏡

之間。

剋

兮。

並驅從兩肩兮。揖

我謂我儼

宣

兮。

○子之茂

卯

兮。

遭我乎獺

之道

上

兮。

並

驅從兩牡兮。

揖我謂我好

乳

兮。

○子之昌

兮。

遭我乎獺

之陽兮。

並驅從兩狼兮。

揖我謂我臧兮。

古序曰。還。刺荒也。毛公曰。哀公好田獵。從禽獸而無

厭。國人化之。遂成風俗。習于田獵。謂之賢。閑于馳逐。

謂之好焉。○朱子改爲獵者交錯于道路。相稱譽之。

辭非也。蓋詩人述民間尚勇好勝之習。見化之所從。

辭非也。蓋詩人述民間尚勇好勝之習。見化之所從。

來耳。時雖霸業未興而功利諺詐已有其漸矣。○

章一

子之周還便捷可謂僇利已。遇我乎徯山之間。並駕追兩豸。子尚揖讓。我而謂我爲僇利。豈子猶謂未僇邪。○章二子之茂然美盛可謂好已。遇我于徯山之道。並逐兩牡。反揖我而謂我爲好。豈我尤好于子邪。○章三以子之昌然壯大可謂臧已。遇我于徯山之陽。並逐兩狼。揖我謂我爲臧。然則我與子偕臧邪。○還便捷貌。徯山名。肩與豸通。三歲獸也。僇利巧也。

還三章章四句

俟我於著。○乎而充耳以素乎而尚之以瓊華。○叶乎而

○俟我於庭乎而充耳以青乎而尚之以瓊瑩乎而○  
俟我於堂乎而充耳以黃乎而尚之以瓊英叶乎而

古序曰著刺時也毛公曰時不親迎也○禮惟天子

不親迎諸侯冕而親迎下可知也壻往婦家奠鴈受

女出升車御輪乃先歸俟于大門外婦至揖以入齊

俗壻不親迎但俟婦于其家故詩人託爲新婦言以

刺廢禮而隱約不露以俟之一字寓意苟無序不知

其所謂矣○章君子待我于門內之宁我始得見之

其冠旁充耳懸瑱之統膽以素絲爲之統末加瓊華

之美石以爲瑱焉○章再進及庭又俟我于庭其充

耳以青絲爲紃尚之以瓊瑩焉○章三再進及堂又俟  
我于堂其充耳以黃絲爲紃尚之以瓊瑩焉盛衣冠  
而不親迎亦廢禮矣○門內屏外曰著與宁通宁立  
之處也俟于宁于庭于堂未至婦家也堂前曰庭冠  
傍懸瑱之繩曰紃紃下懸玉石曰瑱尚加也瓊美玉  
也瑩華英皆言石之光華瑩美似瓊也

著三章章三句

東方之日兮彼姝者子在我室兮在我室兮履我卽  
兮○東方之月兮彼姝者子在我閨頻兮在我閨兮履  
我發兮

古序曰東方之日刺衰也。毛公曰君臣失道男女淫奔不能以禮化也。○朱子改爲男女淫奔自作非也。東方君方也。日月比君臣也。男女晨昏私奔君臣政教不立不能明微格姦防之以禮所以爲衰。呼日月詩人矢志之辭。彼姝者子指淫女也。在我室爲淫夫。自言以發其暗昧之私也。履禮也。男女各有正禮。女求男賤也。稱履所以賤之。○章一東方之日照臨下土暗室之中日監在茲。今彼美之女來在我室。禮我而求卽獨不畏此日邪。○章二東方之月鑒茲幽獨。彼美之女來在我門。禮我求發。雖暮夜無知者獨不畏此。



月邪○子指淫婦我指淫夫履禮通卽就也闔門也  
發開也

東方之日二章章五句

東方未明

叶

顛倒衣裳顛之倒

導

之自公召

趙

之○東

方未晞顛倒裳衣倒之顛

定叶

之自公令之○折

哲

柳樊

圃

叶

狂夫瞿瞿

句

不能晨夜

遇叶

不夙則莫

暮

古序曰東方未明刺無節也毛公曰朝廷興居無節

號令不時挈

結

壺氏不能掌其職焉○東方比君也

未明比君昏也顛倒衣裳比政令錯亂也不必其有

未明徵召之事比其君興居無節號令不時耳折柳

樊圃比朝政不如農圃應節識時也興居號令非晨  
夜者所得司無所歸咎不敢斥君而求諸挈壺氏猶  
所謂敢告僕夫云爾也○章一辨色視朝有常期也今  
東方未明急起而顛倒其衣裳亦既早矣方顛倒衣  
裳之時已有自公所來召者君興尤早矣○章二東方  
未晞顛倒其裳衣已爲亟矣時有自公所傳令者猶  
以爲晚耳○章三折彼柔脆之桺以樊蔬菜之圃其限  
易踰也然雖狂暴之夫猶瞿瞿驚顧不敢越況晝夜  
之限甚明爲挈壺者不能晨夜非失之早則失之暮  
乎○顛倒衣裳急遽錯亂也樊藩也晨時也時夜猶

司夜如掌門之謂晨門也

東方未明三章章四句

南山崔崔雄狐綏綏雖曾道有蕩齊子由歸既曰歸止

曷又懷叶止○葛屨句五兩冠綏叶雙叶止曾道有

蕩齊子庸止既曰庸止曷又從止○蓀麻如之何衡橫

從宗其畝取娶妻如之何必告父母既曰告叶止曷又

鞠菊止○析薪如之何匪斧不克取娶妻如之何匪媒

不得既曰得止曷又極止

古序曰南山刺襄公也毛公曰鳥獸之行淫乎其妹

大夫遇是惡作詩而去之○魯桓公夫人文姜齊襄

公之女弟也。未嫁而襄公私之旣嫁與桓公俱如齊。  
襄公使人殺桓公于車中。事見春秋傳。此詩齊大夫  
刺襄公也。南山雄狐比居高而行禽。猶衛風之雄雉  
也。亟稱魯道者。閭外通闢。行人共見也。亟稱齊女者。  
明其非齊婦也。冠履以比有別。五兩雙綏以比亂倫。  
首足同體而冠履異匹。以比同父非配偶也。屨兩而  
用五。比襄公有婦而亂倫。冠一而綏雙。比文姜未嫁  
而有偶。葛以比其薄。俗云種麻夫妻同。則易生。以比  
娶妻斧析薪有判合之義。以比媒妁也。○章一南山崔  
巍有雄狐。于上綏然垂尾居高位而邪淫。何以異此。

由齊適魯道路蕩平人皆見齊女由此歸魯矣曷得  
又懷思之○章二以葛爲屨至涼薄也屨本兩而五兩  
則亂爲奇冠惟一而綏雙則混爲偶同父亂匹亦猶  
此也魯道蕩平人皆知齊女用此道歸魯矣曷又相  
從與亂乎○章三樹麻者衡之縱之熟耕其田然後得  
麻取妻者六禮全備告于父母然後得娶今旣得娶  
矣何不防閑而使之窮其欲乎○章四析薪者離同爲  
異非斧則不克娶妻者聯異爲同非媒何由得今旣  
由媒得齊子矣何又使之極其惡乎○禮夏葛屨冬  
皮屨複下曰舄禪卅下曰屨綏冠纓之餘而垂者麻

泉也。衡橫通俗謂種麻之田縱橫耕七遍以上則麻生無葉鞠窮也。析薪者離其根本猶女嫁離其父母喪服傳云夫妻辟合也故詩多以析薪比

南山四章章六句

無田甸甫田維莠酉驕驕無思遠人勞心忉忉刀○無

田甫田維莠桀桀無思遠人勞心怛怛迭叶○婉兮孌媛叶

兮亂總角叶兮貫未幾見兮突而弁變兮

古序曰甫田大夫刺襄公也毛公曰無禮義而求大功不脩德而求諸侯志大心勞所以求者非其道也○朱子改爲戒時人厭小務大忽近圖遠是泛無所

指也。夫風未有無指者。無指何以別其爲各國乎。又曰。未見其爲刺襄公。夫襄公無禮義求大功。事見春秋傳。卽位之四年。師于首止。殺鄭子亹。轅高渠彌。五年遷紀。八年滅紀。九年伐衛。納惠公。十二年降邾。是年冬。遂遇弑。此其求大功與諸侯之實也。何謂未見末章。指淫妹之事。正未冠笄之時。突弁指爲君以後。國君皮弁服。犬自穴出曰突突。而弁比衣冠。而禽獸也。莠醜也。草名。一名狗尾。與雄狐盧令。皆匪人之比。甚矣詩人之惡淫也。○章農有餘力。然後可甸大田。不然。莠草盛矣。地邇可致。乃思其人。不然。憂勞無益。

也○章二無旬大田旬而不治則莠穠然長矣無思遠

人思而不至則心徒勞矣○章三童子姁變幼小總髮

爲角其狀𦍋然曾相見未幾而突然戴弁強作成人

蒙養未端可爲成人乎○無田猶無旬治田曰旬甫

大也惻惻勞心貌𦍋總角貌字象形卽柏舟所謂兩

髦也突忽出貌弁冠之大者

### 甫田三章章四句

盧令令

聲平

其人美且仁○盧重環

叶

○

盧重鋸

梅

其人美且偲

頤

古序曰盧令刺荒也毛公曰襄公好田獵畢弋而不



脩民事百姓苦之故陳古以風焉○朱子改謂獵者  
相譽之詩非也齊襄公內荒于色外荒于禽詩人託  
田犬爲刺猶雄狐之義人類而行禽也或疑不當以  
禽獸刺君夫鳥獸草木詩所取材非獨刺也雖關雎  
鵲巢羔羊鹿鳴美亦用之所謂譎諫無罪正以此美  
且仁美其有人之德人者仁也美好也鬢好曰鬢鬢  
好曰偲美其有人之貌也有人之德則無愧于人之  
貌無德而有其貌走狗而已○章一古之獵者其盧犬  
領下有環其聲令令然聲犬之人貌美好而德且仁  
人好故犬亦好今犬則犬而人非也○章二盧犬領下

有重環牽犬之人其貌美好其鬚毛鬚然有丈夫之  
表也○章三盧犬頷下有一環貫二之重鉞其人貌美  
好且偲然多鬚有壯士之容也○盧田犬也令令環  
聲鉞一環貫二也偲慧通頰毛也卽春秋傳于思之  
思

盧令三章章二句

敝笱在梁其魚魴鰈昆齊子歸止其從如雲○敝笱在  
梁其魚魴鰈徐上齊子歸止其從如雨○敝笱在梁其  
魚唯唯偉齊子歸止其從如水

古序曰敝笱刺文姜也毛公曰齊人惡魯桓公微弱

不能防閑文姜使至淫亂爲二國患焉○此詩作于桓公遇害之後故曰爲二國患朱子改謂刺魯莊公非也莊公于文姜則子耳桓公其夫也夫爲妻綱如笱可制魚子之於母猶曰弗克夫不能制其妻則同敝笱矣故敝笱刺夫而猶嗟以刺子序說各有當也笱狗也魴防也魚目不寐曰鰈故無妻不寐者亦曰鰈鰈一名鱖首大身小魚之懦者唯鰈憑之稱笱之制魚可入不可出敝則魚出矣以比帷薄不脩水族多淫淫義生于水如雲如雨如水皆比淫也○章一

笱所以制魚既敝則魴鰈之魚出入自由齊子無所

防閑故其歸齊從者如雲之多也○二章敝笱在梁其  
魚魴鱖笱不能制也故齊子歸齊其從者如雨之多  
焉○三章敝笱在梁其魚唯唯相隨而行得自由也故  
齊子歸齊從者如水之流焉○敝壤也梁積石障水  
以取魚者也

敝笱三章章四句

載驅薄薄

剝

簞弗朱轡

各

魯道有蕩齊子絜夕削○四

驪濟濟

上聲

垂轡瀟瀟魯道有蕩齊子豈弟

上聲

汶水

湯湯行人彭彭

邦

魯道有蕩齊子翱翔○汶水滔滔行

人儻儻

標

魯道有蕩齊子遊教

古序曰載驅齊人刺襄公也。毛公曰無禮義故盛其車服疾驅於通道大都與文姜淫播其惡於萬民焉。○朱子改爲刺文姜乘此車來會襄公蓋據詩中稱齊子不及襄公而稱齊子者明文姜本齊女耳國君而會婦人所以爲刺此曾桓公死後春秋書會禚灼會祝丘之類君夫人車翟茀此云簞茀則襄公之車會文姜者甚明亟言魯道行人諷其無羞惡之心也。○章一乘車疾驅薄薄有聲竹簞爲車蔽朱革爲車飾君乘此焉往魯國道路蕩平齊子啓行出宿往會之也。○章二四馬皆黑色濟濟其美馭馬之轡滿滿其垂

曾道蕩平。齊子來會。豈弟以相樂也。○章三二國往來  
道由汶上。汶水湯湯。其盛行人彭彭。其多曾道有蕩。  
齊子從容。翺翔得無人共見邪。○章四汶水滔滔。其流  
行人儻儻。其衆曾道有蕩。齊子遊遨。不愧于人邪。○  
載始也。始自齊啓行也。薄薄車疾行聲。簟竹簟弗車  
上障蔽也。輶皮去毛者。朱色之輶。輶飾其車以爲固  
也。曾道通魯之路。汶水在齊南。魯北。竟上儻儻行人  
往來貌。

載驅四章章四句

猗伊嗟昌兮

頌祈

而長兮。抑若揚兮。美目揚兮。巧趨踰兮。

射石侯不出正叶兮展我甥兮○猗嗟變煖兮清揚婉  
今舞則選兮射則貫兮四矢反兮以禦亂兮

古序曰猗嗟刺魯莊公也毛公曰齊人傷魯莊公有  
威儀技藝然而不能以禮防閑其母失子之道人以  
爲齊侯之子焉○此詩刺魯莊公故辭較敝荀姚所  
以爲母及子也妻淫而責夫其言易直母亂而責子  
其語難顯詩所以善言也每章猗嗟發嘆歷數莊公  
之美而其所不足自見人以爲齊侯子者春秋之義  
也當時疑莊公非桓公子春秋特書所生年月日以

折羣議故此詩亦云展我甥明其非我子也亦微諷  
之辭○章一猗嗟惜乎其昌而盛也觀其體貌頎然脩  
長觀其舉止抑揚中節其目之美揚起而清明又巧  
于趨而蹌然又習于射而戒善也○章二猗嗟惜乎無  
一不可名者其目美而分明其儀成而齊備終日射  
侯發不失正誠哉無忝于我齊之甥也○章三猗嗟乎  
其變好也眉目清揚而婉然舞則精而可選射則中  
而貫革每發四矢皆復中其故處足以制敵而禦亂  
也○抑若揚猶言謙尊而光退讓以明禮也行張足  
曰趨禮有徐趨疾趨爲之有巧拙蹌巧趨貌論語云



趨翼如。所謂巧趨也。曲禮云。士賡賡侯。射陂也。正侯  
心也。姊妹之子曰甥。反復也。矢皆復中其故處也。  
猗嗟三章。章六句。

毛詩原解卷九終

毛詩原解卷十

魏

魏國名在禹貢冀州舜禹之故都也。今山西平陽府解州等地是。南枕河曲北涉汾水。首山當其北。土隘民貧俗儉。周初以封同姓。未詳所始。後爲晉獻公所滅。以其地賜大夫畢萬。晉始有魏氏。魏唐之于晉猶邙鄘之于衛。其實皆晉風也。五霸晉繼齊故。魏風次齊。

糾糾

九

葛屨

句

可以履霜。摻摻

纖

女手可以縫裳。要

天

之襪

棘

之好人服之。○好人提提

通叶

宛然左辟

進

佩其

象掃

替

維是褊心是以爲刺

砌叶

古序曰葛屨刺褊也毛公曰魏地陜隘其民機巧趨利其君儉嗇褊急而無德以將之○敦厚崇禮者下之美俗從容博大者君之美行魏地陜隘故其民機巧趨利而俗鮮禮其君儉嗇褊急而德不弘然下之風俗由于上之表率君無寬綽之度則民有纖嗇之風故詩專刺褊心序說甚明朱子改爲縫裳之女自作固矣○一章禮夏葛屨冬皮屨葛屨非禦寒之具況旣敝而繚纏之猶謂可以踐霜禮女嫁三月廟見始執婦工今未嫁之女其手摻細謂可縫裳以取備資

其民俗趨利類此蒙成然後要衣成然後褌今縫裳  
卽欲要之縫衣卽欲褌之貴人卽欲服之其君德褊  
急類此○二擗節者多退讓彼貴人容止提提然安  
舒與人婉然謙恭以右讓人而自避居左佩象骨之  
搔首容飾非不可觀也維此褊急之心所以爲刺耳  
○糾糾繚纏之貌摻摻猶纖纖女手好貌要裳腰褌  
衣領好人猶言貴人指其君也提提矣舒也象褌解  
見君子偕老篇

葛屨二章一章六句一章五句

彼汾

焚沮

聲首去

洳

言采其莫

暮彼其

記之子美無度

美無度殊異乎公路○彼汾一方言采其桑彼其之子  
美如英叶美如英殊異乎公行叶○彼汾一曲言采其  
蕢讀彼其之子美如玉美如玉殊異乎公族

古序曰汾沮洳刺儉也毛公曰其君儉以能勤刺不  
得禮也○勤儉美節也為人君者不曠天工以爲勤  
不奪民財以爲儉非勞手足茹蔬菜之謂人主而親  
細民之事爲勤儉則有并耕而治數米而炊如沮洳  
采莫之爲者矣沮洳泥塗也沾汙手是以求蔬菜非  
大人之事居上織罽其狀類此不必真有采莫采桑  
之行亦不必卽是公路公行之官朱子改爲刺儉不

中禮則是而謂刺公路公行則拘矣○章一汾水下濕  
有莫生焉采以爲蔬被其之子勤儉如此其德美無  
度量雖美無度量而采莫事細絕不似公路之貴人  
公路不似而況其上焉者乎○章二彼汾一方有桑生  
焉往采其桑將以飼蠶也彼其之子勤儉如此其德  
美如英華但不似公行之貴人耳○章三彼汾水曲隈  
有蕢生焉往采其蕢將以療饑也彼其之子勤儉如  
此其德美如玉但不似公族之貴人耳○汾水名出  
太原晉陽山西南入河沮洳水邊下濕之地莫葉似  
柳有毛刺可以爲羹無度無限量也殊絕也公路掌

公之路車公行掌兵車之行列公族掌公之宗族皆  
晉官爵大夫不敢斥君而但指大夫以諷也一方猶  
一處也一曲水隈也蕢一名澤鵠本草云久食不飢

○汾沮洳三章章六句

園有桃其實之殽心之憂矣我歌且謠不知我者謂我  
士也驕彼人是哉齊叶子曰何其對叶心之憂矣其誰知之  
其誰知之蓋亦勿思○園有棘其實之食心之憂矣聊  
以行國亦叶不知我者謂我士也罔極彼人是哉子曰何  
其心之憂矣其誰知之其誰知之蓋亦勿思

古序曰園有桃刺時也毛公曰大夫憂其君國小而

迫而儉以嗇不能用其民而無德教日以侵削故作是詩也○此詩之意謂國勢褊小而大國侵陵使其君勿見小自利恢弘政教鼓舞其民而用之猶可自立乃硜硜自守屯膏惜費以爲處貧寡當然斗筲之見何足與議大計乎故以桃棘比家語孔子云果屬有六而桃爲下棘似棗而小叢生孟子云養其棘棘則爲賤場師二物皆果實之賤者生于園其實幾何今欲以桃當肉以棘當穀則數米而炊之道也以此用民望其恢廓難矣詩人所以深憂也○一章園中有桃欲以其實充肉爲殺儉嗇如此安望能光大其國



家乎我心憂鬱歌謠自舒不知我者乃曰此士矜驕  
則豈食桃之人所爲是哉而子言我驕何也我心所  
憂人無知者不知由于不思思之卽知矣○仁園有  
棘以其實充食鄙吝如此我憂無聊出行于國不知  
我者曰此士遊蕩無極豈彼食棘者所爲是哉子言  
我罔極何也我心之憂誰知之人未思耳思之亦憂  
矣○合曲曰歌徒歌曰謠彼人指魏君臣子指謂我  
驕者行國散步城中也

園有桃二章章十二句○以上三詩朱傳皆以首二  
句爲興然所刺之故卽在其中若以興爲無義則三

詩皆未言儉嗇以何爲刺他可類推

陟彼岵兮瞻望父兮父曰嗟予子行役夙夜無已上  
慎旃哉猶來無止○陟彼屺兮瞻望母兮母曰嗟予  
季行役夙夜無寐上慎旃哉猶來無棄○陟彼岡兮瞻  
望兄科兮兄曰嗟予弟行役夙夜必偕叶上慎旃哉猶  
來無死

古序曰陟岵孝子行役思念父母也毛公曰國迫而  
數侵削役乎大國父母兄弟離散而作是詩也○朱  
子改爲孝子行役不忘其親是矣謂登山望父母自  
言非也岵山多草木以比生我屺無草木以比鞠我

圖領也以比長我征夫何暇登臨孝子思親何待升  
眺託言以寓望鄉之情耳○章一陟彼岵山瞻望吾父  
憶行時父戒曰嗟我子此行早夜無怠其上役也慎  
之哉爾去猶望爾來無止于彼不來也○二陟彼屺  
山瞻望吾母思母戒我曰嗟予季此行早夜無寐其  
上役慎之哉季往猶望季歸無棄于彼而不歸也○  
三陟彼山岡瞻望予兄兄戒我曰嗟予弟夙夜同衆  
趨事上役慎之哉弟往猶望弟還無遂死而不還也  
○山多草木曰岵山無草木曰屺山脊曰岡上以下  
供上役也七月云上入執宮功旃之也季少子

陟岵三章章六句

十畝之間兮桑者閑閑兮行與子還旋兮○十畝之外

謂今桑者泄泄異兮行與子逝兮

古序曰十畝之間刺時也毛公曰言其國削小民無

所居焉○魏地迫隘其君褊急其民纖嗇加以大國

侵削閭里蕭條民間愁居迫處覺生理日蹙故詩人

託采桑無所以刺之朱子改爲賢者不樂仕而歸農

圃其辭疑似然淺深厚薄之味相違遠矣讀者自別

○章一郊野之地不過十畝地陝人稠采桑者無所得

葉閑閑然空歸呼其同伴相與還家而已○章二郊野

手言及角  
之外地僅十畝采桑者泄泄然閒行呼其同伴相與  
他往而已○十畝甚言其偏側古者一夫授田百畝  
魏地隘不足耕墾也

十畝之間二章章三句

坎坎伐檀兮寘之河之干兮河水清且漣漪不稼不穡  
胡取禾三百廛兮不狩不獵胡瞻爾庭有縣玄貍兮  
彼君子兮不素餐兮○坎坎伐輻兮寘之河之側  
不稼不穡胡取禾三百億兮不狩不獵胡瞻爾庭有縣特兮  
彼君子兮不素食兮○坎  
坎伐輪兮寘之河之漘兮河水清且淪漪不稼不穡

胡取禾三百困登叶兮不狩不獵胡瞻爾庭有縣鶉純兮  
彼君子兮不素飧孫兮

古序曰伐檀刺貪也毛公曰在位貪鄙無功而受祿  
君子不得進仕爾○朱子改爲美君子之不素餐非  
也所謂不稼穡而取禾不狩獵而縣貍此正無功受  
祿之比嘆君子之不素餐者乃所以刺小人取禾壓  
庭縣貍皆小人貪鄙之象亦不似美君子之辭○章一  
檀本堅忍車之美材也坎坎然用力伐之將以爲車  
而河上非行車之所寘此檀于水涯無所用之徒見  
河水清漣成文耳君子任重困窮而在位者不親稼

穡胡斂民三百之廛不習狩獵胡庭縣貉貍之肉是  
無功而素餐也若伐檀君子効用豈素餐者哉○二章

坎坎然伐木爲車輻寘之河側水清波直有輻無用  
也君子旣不得志而在位者不農有禾不田有肉豈  
非素食乎苟伐輻君子得用真不肯素食者矣○三章

坎坎然伐木爲輪寘之河漚水清成淪安所用之君  
子旣不得志而在位者不耕有囷不獵有鶉豈非素  
殮乎彼伐輪君子見用真不素殮者矣○檀木堅宜  
爲車寘與置同漚風行水成文也猗與兮同種之曰  
稼斂之曰穡廛謂一夫百畝之稅三百言多也冬曰

曰狩獵躡通追獸也貉鶴子曰貍縣懸同繫也素猶  
空也餐吞食也輻車輪中直木也直波流直也十萬  
曰億獸三歲曰特淪波文也囷圓倉也殽熟食也  
伐檀三章章九句

碩鼠碩鼠無食我黍三歲貫女憤女汝莫我肯顧叶逝將

去女適彼樂洛土樂土樂土爰得我所○碩鼠碩鼠無

食我麥三歲貫女莫我肯德逝將去女適彼樂國樂國

樂國爰得我直叶○碩鼠碩鼠無食我苗叶三歲貫女

莫我肯勞逝將去女適彼樂郊樂郊樂郊誰之永號平

古序曰碩鼠刺重斂也毛公曰國人刺其君重斂蠶



食於民不脩其政貪而畏人若大鼠也○朱子改爲  
民困於貪殘之政託言大鼠害已而去之非也詩人  
託民言爲刺耳非卽其民自作也○章一大鼠大鼠汝  
貪而無厭勿更食我黍三歲與汝習汝無眷顧之意  
今往去汝適彼安樂之土彼土緩征薄稅樂哉我其  
得所矣○章二大鼠大鼠汝勿食我麥三歲習汝無德  
與我今往去汝適彼樂國彼國樂哉我得自遂矣○  
章三碩鼠無食我苗三歲習汝莫肯慰勞今往去汝適  
彼樂郊彼郊樂哉復爲誰而長號也○周禮三年大  
比民數改定版籍此時聽民遷徙故云三歲去汝重

言樂土歆羨之辭直遂生也

碩鼠三章章八句

毛詩原解卷十終

毛詩原解

卷十

九

魏

毛詩原解卷十一

唐

唐國名本堯舊都在禹貢冀州之域大行恆山之西周成王以封其弟叔虞爲唐侯因陶唐故地得名南有晉水其子燮因改國號晉卽今山西平陽府絳州是稱唐從始封也

蟋蟀在堂歲聿其莫慕今我不樂日月其除叶無已太

康職思其居叶好樂無荒良士瞿瞿句○蟋蟀在堂歲

聿其逝叶今我不樂日月其邁無已太康職思其外好

樂無荒良士蹶蹶叶○蟋蟀在堂役車其休今我不樂

日月其慆叶無已太康職思其憂好樂無荒良士休休  
古序曰蟋蟀刺晉僖公也毛公曰儉不中禮故作是  
詩以閔之欲其及時以禮自虞樂也此晉也而謂之  
唐本其風俗憂深思遠儉而用禮乃有堯之遺風焉  
○按國奢濟之以儉國儉濟之以禮晉自僖公之世  
俗尚固陋儉不中禮以蟋蟀比諷其終歲廢禮也蟋  
蟀十月在堂周以十一月爲歲首十月歲畢是大蜡  
之時終歲禮樂不止十月而歲暮猶寥寥則禮壞樂  
崩矣是詩不必卽作于十月一歲之中朝廷有食饗  
宗廟有獻酬邦國有賓興鄉有射里有社食以時用

以禮。烏可以無財。廢禮。當時而廢樂也。禮樂。先王所以和上下。調人情。勞身焦思。以天下爲桎梏。是墨道也。故詩人借爲樂以廣其儉。卽致太康之戒。所謂禮減而能進。樂盈而能反。中和之道。忠臣弼諧之語。里巷歌曲。焉得有此。朱子改爲民間歲晚行樂。謂刺僖公無據。夫民間行樂。無關於政教。則亦不足以爲風。列國變風。所始其來舊矣。孟子云。王者迹熄而詩亡。國風多幽厲以前之作。其變風不始于各國中衰之諸侯。而誰始乎。今盡斥爲無據。不知又何所據也。○  
章一  
蟋蟀在堂。時維十月。歲遂暮矣。今我不樂。日月去

矣。但不可過於求安。當思其職業所居。樂不廢事。則可謂良士。瞿瞿然遠慮者矣。○章二蟋蟀在堂。歲遂往矣。今我不樂。日月邁矣。但勿太安。思及職業外。好樂不至荒廢。則可謂良士。蹶蹶然勤勵者矣。○章二蟋蟀在堂。任載之役。車休息矣。今我不樂。日月惛然往矣。但勿太康。思職事可愛。不至于荒斯。爲良士。獲安靖之休矣。○蟋蟀。蟲名。似蝗而小。色黑。一名促織。九月在堂。天氣寒而依人也。聿。遂也。歲莫。十月農工甫畢也。職業也。瞿瞿。却顧貌。外。意外也。蹶蹶。動而敏事也。役。車任載之車。惛。潛通不反也。

蟋蟀三章章八句

山有樞樞隰有榆子有衣裳弗曳弗婁則子有車馬弗

馳弗驅宛宛其死矣他人是愉○山有栲栲隰有杻則

子有廷內弗洒弗掃則子有鐘鼓弗鼓弗考則宛其死

矣他人是保則○山有漆隰有栗子有酒食何不日鼓

瑟且以喜樂加且以永日宛其死矣他人入室

古序曰山有樞刺晉昭公也毛公曰不能脩道以正

其國有財不能用有鐘鼓不能以自樂有朝廷不能

洒掃政荒民散將以危亡四鄰謀取其國家而不知

國人作詩以刺之也○朱子改爲答前篇之意而解

其憂非也蓋是時桓叔伐晉之謀已成昭公齷齪自  
守所謂亡國之日迫以促詩人爲放歌以諷之辭若  
舒而情實慘氣象危迫如朝露然以爲解蟋蟀之憂  
豈不迂乎又謂此詩辭非臣子所施于君父夫風之  
作不知所起也作者隱其端而聞者忘其諷故曰言  
之者無罪若論臣子施于君父何但辭不可居卽刺  
又豈可者蓋人有性情則不能無好惡有好惡則不  
能無美刺有美刺則其辭自不得不爾旣不陳作者  
之名又不撻君父之過若爲同儕自語影響比設何  
爲不可故有雄狐碩鼠田廬之譬而非詈有狡童狂



且爾汝之呼而非侮。況云子有宛死。何嫌之有。必如  
朱說。欲明忠厚之義。反開世主惡謗之端。則詩人之  
志。幾乎窮矣。○章一山有樞。隰有榆。有其材者。貴能用。  
今子有衣裳。而不曳。婁有車馬。而不馳。驅。宛然坐見  
其死。他人取以爲樂矣。○章二山有栲。隰有杻。有材而  
不用。有庭內而不洒。掃。有鐘鼓而不鼓。考。宛然坐見  
其死。他人保有之矣。○章三山有漆。隰有栗。子有酒食。  
何不鼓瑟。以喜樂。延引此日。一旦宛然死。而他人入  
室矣。○樞。木如榆。有刺。葉可爲茹。榆種十餘。葉皆相  
似。而皮理異。榆其總名。白者曰粉。曳。披。排也。婁亦曳。

也走馬曰馳策馬曰驅宛坐見貌勞櫟屬柎憶也木  
多曲少直可爲弓幹葉似杏而尖二月花開細葉正  
白枝葉茂好一名萬歲故官園多種之考擊也永日  
延日也

山有樛三章章八句

揚之水白石鑿鑿作素衣朱襮從子于沃叶既見君  
子云何不樂洛○揚之水白石皓皓素衣朱繡叶從子  
于鵲叶既見君子云何其憂要叶○揚之水白石粼粼我  
聞有命不敢以告人

古序曰揚之水刺晉昭公也毛公曰昭公分國以封

沃沃盛強昭公微弱國人將叛而歸沃焉○按晉昭侯分曲沃之地以封其叔父成師是爲桓叔桓叔彊而潘父弑昭公謀納之不克晉沃交攻再傳沃莊伯至武公遂併晉事見春秋傳此託爲國人從沃之辭刺昭公之失民也朱子改爲叛者自作豈有民叛其主旣云不敢告人又作詩以自明者乎有國家者使其民從敵以爲樂且爲之隱國欲不亡得乎自古亡國民心貳而後敵人乘之段之叛鄭也國人先美之突之逐忽也國人先去之沃之叛晉也國人先從之詩皆以爲刺而聖人皆存之所以爲萬世長民者戒

遠矣

○章一

悠揚之水其流清淺中有白石鑿鑿鮮明

水弱而石壯也晉弱沃強何以異此今將以素絲爲

衣以朱爲領從爾往沃以見君子云何不樂乎

○章二

揚之水白石皓皓水微而石顯也今將以素衣朱繡

從子往鵠以見君子吾何所憂乎

○章三

揚之水白石

粼粼水落而石見也聞君子將有大舉之命幾事不

密則害吾何敢告人乎

○鑿鑿猶言齒齒石立貌素

衣猶言純衣卽絲衣也諸侯禮服用絲或云中衣白

色按郊特牲云繡黼丹朱中衣大夫之階禮然則諸

侯中衣色朱也褊衣領也從子民間自相謂也君子

指桓叔鵠地名

揚之水三章二章章六句一章四句

椒聊之實蕃衍盈升彼其記之子碩大無朋椒聊且

疋遠條且○椒聊之實蕃衍盈升谷彼其之子碩大且

篤椒聊且遠條且

古序曰椒聊刺晉昭公也毛公曰君子見沃之盛彊

能脩其政知其蕃衍盛大子孫將有晉國焉○章一椒

之爲物小而芳烈聊且植之耳今其實蕃衍采之蒲

升彼其之子奄有邦國雖碩大而孤立無朋椒雖聊

小乎其枝條日長遠矣○章二椒聊之實蕃衍蒲兩手

之叔彼其之子空碩大而遲鈍不若叔雖聊小乎其  
條日長遠矣○彼其之子指昭公凡詩言彼其之子  
皆輕之之辭無朋寡助也篤馬不進貌淮南子云夏  
蟲不可與語冰篤于時也易有大過卽大且篤之象

○椒聊二章章六句

綢繆曲束薪三星在天叶今夕何夕見此良人子兮

子兮如此良人何○綢繆束芻叶三星在隅叶今夕何

夕見此邂逅叶子兮子兮如此邂逅何○綢繆束楚

三星在戶上聲今夕何夕見此粲慘者去聲子兮子兮如此

粲者何

古序曰綢繆刺晉亂也。毛公曰國亂則婚姻不得其時焉。○朱子改爲男女失時而後得遂其婚姻。詩人述其相喜之辭。非也。本爲不得婚而無可奈何之辭。蓋晉沃構亂民室家流離。詩人託言男女相見無聊之情。薪言新也。男女之初也。夫婦牝合也。斧析木束以成薪。媒聯異合以爲耦。匪斧不克。匪媒不得也。親迎以昏三星心星卽大火也。上一下二其形如心東方蒼龍之宿。又三參也。參七星中三上下各二西方白虎之宿。參以孟冬之昏始見于東方。是曰在天季冬之昏見于東南。是曰在隅。正月昏見于南方。是曰

在戶古者自九月霜降至二月冰泮皆昏姻之期故  
舉參爲候至三月心星出矣昏見于東五月昏見于  
東南隅六月見于南方當戶七月以後西流九月之  
昏西伏戌位而參始東出心東出則參西退心出參  
退而昏禮終參出心退而昏禮始故以爲比芻言阻  
也楚言愁也皆失意之比○章一木析爲薪必纏縛而  
後成束女之于男必媒約而後成耦今仰見三星正  
昏禮之夕顧此何夕乃亂離之夕而安得見此良人  
乎女兮女兮無媒無禮如此良人何哉○章二芻綢繆  
而成束男女媒合而成配今雖三星在隅顧此夕何



夕安得成邂逅之好乎。男女兮，男女兮，如此邂逅何  
亦徒相遇而已。○三楚綢繆以成束，男無媒何以得  
妻。雖三星在戶，顧今夕何夕，安得此美人乎。男兮男  
兮，如此美人何，欲親就無由矣。○綢繆猶纏綿也，親  
迎以昏，故曰夕。良人指男子，邂逅暫相遇也。猶言解  
觀不固之意。粲者，猶言美人。國語：女三爲粲。

綢繆三章章六句

有杖弟

之杜，其葉湑

須上聲

湑，獨行踽踽

矩

豈無他人不

如我同父

，嗟行之人，胡不比

避

焉。人無兄弟，胡不攸

大焉。

○有杖之杜，其葉菁菁，獨行眾眾

瓊

豈無他人不

如我同姓嗟行之人胡不比焉人無兄弟胡不依焉

古序曰杖杜刺時也毛公曰君不能親其宗族骨肉離散獨居而無兄弟將爲沃所并耳○朱子改爲人無兄弟者求助于人之辭非也晉自昭公被弑與沃五世相攻宗族離叛公室孤立故詩人以杖杜比杜棣類好生道旁以比疎屬棣之言悌也其華合聚以比同宗實甘者爲棠比兄弟相親酢者爲杜杜塞也比兄弟不相能杖杜孤立比晉叔聊蕃衍比沃一盛一衰比晉將折而入于沃也如王風葛藟鄭風揚之水皆親族畔之所以不振安得目爲泛泛行道之語

乎。

○

章一

扶然特生之杜其葉潤澤猶足自庇。今兄弟

叛離獨行踽踽。曾扶杜不如矣。豈無他人不如我同

父情相親也。若他人可恃。嗟彼行道皆人耳。何不見

輔乎。人無兄弟。何不見助乎。情不相關。是以不能也。

○

章二

扶然之杜尚菁菁其葉。猶足庇本。今獨行曩曩

無兄弟。雖有他人。豈如我同姓。若他人可依。行路之

人何不相比。人無兄弟。何不相伙乎。○扶特生也比

輔也。飲助也。曩曩獨行驚顧貌。

扶杜二章。章九句。

羔裘豹祛。

區

自我人居居。豈無他人。維予之故。

平

○羔

裘豹褰

袖

自我人究究豈無他人維子之好

厚

古序曰羔裘刺時也毛公曰晉人刺其在位不恤其民也○章羔裘以豹皮飾袂彼服此者是我民所由以安居者也以我懷居之切豈無他人可依惟念子故舊不忍遽去耳○章彼羔裘豹褰者是我民情所待以究察也我有隱微之情豈無他人可赴愬惟念子舊好不忍遂忘耳○羔裘大夫之服袂袖口也自由也居居猶言處處卽安之意究究體悉意羔裘二章章四句

肅肅鵠

保羽

集于苞

也

栩

詩

王事靡盬

古

不能藝稷黍

父母何怙。虎悠悠蒼天，曷其有所。○肅肅鵙翼，集于苞棘。王事靡盬，不能蓺黍稷。父母何食。悠悠蒼天，何其有極。○肅肅鵙行。杭集于苞桑。王事靡盬，不能蓺稻粱。父母何嘗。悠悠蒼天，曷其有常。

古序曰：鵙，羽刺時也。毛公曰：昭公之後，大亂五世，君子下從征役，不得養其父母，而作是詩也。○按晉自潘父弑昭侯，納桓叔不克，晉立孝侯。曲沃莊伯弑之，晉立鄂侯。莊伯伐而逐之。平王命虢侯伐曲沃，立哀侯。曲沃獲之。晉立小子侯。曲沃誘殺之。王又命虢仲、虢叔伐曲沃，立哀侯之弟緡。此所謂大亂五世。而詩稱王事靡盬。

者也。鵠似鴈而大，無後指。爾雅云：鳬鴈之醜，其足蹠以比君子不任奔走也。叢生曰苞，集于苞，其栖卑矣。勞則思集，大鳥集于叢木，比失所也。栩言虎也，棘言急也。桑言喪也，皆以比時政。○章鵠之飛也，其羽肅肅，性不樹止，而今下集于叢生之樹，失其所矣。君子以王事不可不堅固，久役在外，不得種藝黍稷以養父母，父母何所怙乎？悠悠蒼天，何時使我得所也。○章肅肅鵠羽，集于叢生之棘，失其性矣。君子以王事久役，不得種藝黍稷以養父母，悠悠蒼天，曷其有止極乎。○章肅肅鵠行，集于叢生之桑，君子以王事勤勞。

不得藝稻梁以養父母悠悠蒼天何時得復其常乎  
○相櫟力也也鹽與蠱通凡器物壞曰蠱不堅固之意  
稻穀之宜濕者糯粳也粳一作粳黏連曰糯不黏曰  
秔米之精者曰梁良也穀之大者亦曰梁今高粱之  
類甞食也

鵲羽三章章七句

豈曰無衣七兮不如子之衣安且吉兮○豈曰無衣六  
兮不如子之衣安且燠郁兮

古序曰無衣美晉武公也毛公曰武公始併晉國其  
大夫爲之請命乎天子之使而作是詩也○晉武公

者曲沃桓叔之孫莊伯之子伐晉侯緡滅之使其大夫賂周釐王王使虢叔錫武公服爲諸侯其大夫因王使來作是詩美其君稱子者指王使也朱子改爲武公自述謂序言美爲獎亂夫序言美者非采風者美之非刪詩者美之武公之臣自美武公猶秦風之車鄰四驥云爾聖人刪詩豈可者存之不可者去之乎亂臣賊子事所當戒則存之以告來許若謂此詩獎亂不可爲教則自二南以下諸變風及春秋十二公所書亂跡亦多矣其皆可以爲教者與存無衣乃所以爲教矣○

章一

侯伯七命我豈不能製此七命之



衣但不如子所齎來之衣借重王命安穩且吉祥耳  
○二章天子之卿視侯其服六命我豈無六命之衣但  
不如子所錫之衣久著而溫煖耳○周禮典命職云  
上公九命侯伯七命子男五命天子之三公八命卿  
六命大夫四命其出封皆加一等公衮冕侯伯鷩冕  
子男毳冕大夫希冕士玄冕其衣裳九章之說鄭氏  
穿鑿附會未足據耳詳見春官司服之職此言七六  
者命數也非七章六章之謂

無衣二章章三句

有杖之杜生于道左彼君子兮噬進肯適我中心好之

曷飲食紹叶之○有杖之杜生于道周彼君子兮噬肯來  
遊中心好之曷飲食之

古序曰有杖之杜刺晉武公也毛公曰武公寡特兼  
其宗族而不求賢以自輔焉○朱子改爲人好賢而  
恐不足以致之非也武公兼併晉國內與宗室爲讐  
賢人君子去之故詩人託孤杜爲刺尊賢親親禮之  
經也仁者人也親親爲大義者宜也尊賢爲大未有  
不仁而能義不親其親而能尊賢者也○章杖然特  
生之杜孤立路傍翦滅宗族得國何以異此彼賢人  
君子安肯共事而適我乎徒使我中心愛之無自而

飲食之也○章二有杖之杜生于道曲孤立無與彼君子兮其肯從我遊乎中心好之無由得飲食之也○噬嗑語辭周曲也

有杖之杜二章章六句

葛生蒙楚蔽廉蔓于野叶予美亡此誰與獨處○葛生

蒙棘蔽蔓于域予美亡此誰與獨息○角枕粲參去聲兮

錦衾爛濫兮予美亡此誰與獨旦○夏之日冬之夜叶遇

百歲之後歸于其居叶○冬之夜夏之日百歲之後歸于

其室

古序曰葛生刺晉獻公也毛公曰好攻戰則國人多

喪矣。○朱子改爲婦人以夫久從征役作非也。按晉獻公好戰如伐虞伐虢伐驪戎國人多死于戰詩託死者妻悼亡以刺之故其辭哀而傷葛生蔽蔓指死所也尸膏草野失其骸骨故曰亡此域塋域居室墓壙也陣亡不得殯葬百歲之後魂歸于居于室皆哭死飲恨之辭角枕錦衾斂襲之具周禮天官大府之職大喪供角枕儀禮斂用衾若謂夫婦宴寢之具則委巷之語矣。○章葛生蒙于楚蔽生蔓于野荒莽之地也。予美從軍身死于此幽魂寂寞誰與獨處乎。○章葛生蒙于棘蔽生蔓于墓予美死于此誰與之獨

息乎○三死者夷尸以角枕雖有角枕空復粲然斂尸以衾雖有錦衾空復爛然予美身死草野無枕無衾悠悠長夜誰與獨旦乎○四日莫永于夏夜莫永于冬年莫永于死後予美無生還之期矣惟百年之後相期同歸于九泉之居而已○五冬之夜夏之日悠悠我思百歲之後歸于穴室而已○蔽草名似括樓蔓生葉盛而細子黑予美指夫也亡此死此地也○  
○葛生五章章四句

采苓采苓首陽之巔叶人之爲言苟亦無信叶舍旃舍旃苟亦無然人之爲言胡得焉○采苦采苦首陽之下

虎叶人之爲言苟亦無與舍旃舍旃苟亦無然人之爲言胡得焉○采葑采葑首陽之東人之爲言苟亦無從舍旃舍旃苟亦無然人之爲言胡得焉

古序曰采苓刺晉獻公也毛公曰獻公好聽讒焉○朱子改爲聽讒之詩謂未見其果作于獻公時非也事之可據孰有如晉獻公聽讒者乎如是猶謂不信則詩必有年月日時作者姓名乃可各章首二語比讒言併張苓木耳也以比聽苦辨其味葑拔其根○章一采苓者曰我采此于首陽山之巔夫何地無苓焉知此苓必于首陽巔乎人言無稽且無輕信則將舍

乎亦無輕舍也必加察焉不信則無間可入不舍則其情立見人欲爲讒不可得矣○章二采苦者自言采于首陽山下未可信也人之爲言且無輕與然則舍之亦無遽舍也不信而又加察人欲爲讒不可得矣○章三采葑者自言采于首陽山東人之爲言且無輕從亦無遽舍如此而人欲爲讒其可得乎○首陽卽雷首山在山西蒲州東南三十里卽夷齊隱處苟且也施之也苦菜名月令苦菜秀似蒿苴而葉細斷之有白汁花黃似菊一名荼禮記內則濡豚包苦是也葑蔓菁也

采苓三章章八句



毛詩原解卷十二

秦

秦國名在禹貢雍州之域伯益之後佐禹治水有功  
賜姓嬴氏其後有非子者周孝王時養馬于汧秦渭  
之間賜封邑于秦其曾孫秦仲爲宣王大夫討西戎  
不克死平王東遷仲孫襄公以兵送王王以西周地  
盡委之秦始大卽今陝西西安府興平縣等處是也  
君子曰觀于次詩而知聖人之先見晉亡而秦興矣  
或曰唐堯風亡夷狄乘之夫秦地卽岐豐之地秦民  
卽岐豐之民何爲夷之秦旣夷矣陳檜曹諸夏反後

夷狄乎

有車鄰鄰有馬白顛定叶未見君子寺人之令○阪反有漆隰有栗既見君子並坐鼓瑟今者不樂逝者其耄○阪有桑隰有楊既見君子並坐鼓簧今者不樂逝者其亡

古序曰車鄰美秦仲也毛公曰秦仲始大有車馬禮樂侍御之好焉○按秦自非子始封爲附庸非子曾孫秦仲入爲周宣王大夫禮天子之大夫視伯于是始有車馬寺人與諸侯同故秦人創見誇美朱子謂未見其必爲秦仲之詩非也○一章君子有車鄰鄰然

相接之多有馬白額者皆備又有寺人爲役未見君子寺人先爲傳令非舊日之等威矣○二章山有漆可爲器用隰有栗可供邊實今君有禮樂矣旣見則相與並坐鼓瑟百年氣象始見今日失今不樂往而爲耄矣○三章阪有桑可爲弓隰有楊可爲盾今君有武備矣旣見則相與並坐鼓簧今者不樂往者不待而亡去矣○鄰鄰輶集也或云猶輶輶車聲也白顛馬額有白毛寺人閹宦也八十曰耄楊木輕宜爲盾春秋傳宋樂祁犁獻楊盾六十于趙鞅是也

車鄰三章一章四句二章章六句

駟驥

鐵

孔阜

否

六轡在手公之媚子從公于狩○奉時

辰牡辰牡孔碩公曰左之舍拔則獲叶合○遊于北園四

馬旣閑

賢叶

輶

由

車鸞鑣載獫

念

歌驕

古序曰駟驥美襄公也毛公曰始命有田狩之事園

囿之樂焉朱子謂此亦前篇之意非也按史秦仲

生莊公莊公生襄公犬戎殺幽王襄公將兵救之戰

甚有功周亡東徙襄公以兵送之平王遂命爲諸侯

盡以西京地予焉前篇秦仲猶附庸故但誇其車馬

禮樂侍御此則已爲大國故美其園囿田獵序說各

有攸當也○

章一

田獵必先車馬我公于田四馬皆黑

色而甚肥大御馬者六轡在手控轡惟意公往狩則  
左右親幸之人無不從行其儀從何盛備也○章二虞  
人司獸因四時所宜奉其牡獸甚肥碩以待射公將  
射而命御者曰逐禽左矢方離弦而獸已見獲其射  
御何精好也○章三田事既畢乃休卒徒遊于北園四  
馬閒暇驅逆之輕車但聞鸞鑣之聲載其田犬休歇  
其驕騰之力其終事有節制也○騏黑色秦以水德  
勝火也四馬八轡驂馬兩轡在轡故手惟六轡耳時  
是也辰時也辰牡如冬獻狼夏獻麋春秋獻鹿豕羣  
獸之類左之凡車逐禽從左射左臆標達右臆標爲

上殺舍放矢也。拔矢括也。輶輕也。鈴在銜曰鑾。在軾曰和。鑣馬銜鐵。獫狁犬。爾雅長喙曰獫。短喙曰歇。獫按田犬。多長喙。歇驕謂休歇其驕騰之力。爾雅多附會難盡據也。

駟職三章章四句。○誦秦風多威猛壯厲之氣。所以虎視諸侯。吞併六國。而亦竟以暴亡。聲音之道可以知德。聖人先覺。非淺識可到耳。

小戎

賤

收五

繫

木梁輶游環脅驅

陰

鞞縶續文茵

文茵

暢轂駕我騏驎

言

念君子溫其如玉在其板屋亂我心曲

○四牡孔阜

否

六轡在手騏驎是中

騏驎

騏驎

騏驎

駟龍盾叶之合忽鑒以決輶六言念君子溫其

在邑惡方何為期胡然我念之○僕駟孔羣公求矛鏐

鏐除蒙伐有苑魚虎韞鏐庸交韞二弓祝竹閉

緄案滕言念君子載寢載興厭焉厭良人秩秩德音

古序曰小戎美襄公也毛公曰備其兵車以討西戎

西戎方彊而征伐不休國人則矜其車甲婦人能閤

其君子焉○朱子曰西戎者秦之臣子所與不共戴

天之讐也襄公上承天子之命率其國人往而征之

故其從役者之家人先誇其車甲之盛如此而後及

私情蓋以義興師婦人亦知勇於赴敵而無怨按此

論甚正然非夫子錄小戎本意其錄小戎非嘉之也  
秦人好戰雖婦人女子見車馬旌旗而喜習尚固然  
一時商鞅白起輩未生小戎已爲之兆矣聖人前知如  
神序說所以爲確也若夫大戎殺幽王與秦仲雖義  
不共天而秦人好戰非待於此詩本託興婦人朱傳  
遂以爲婦人自作皆非也○一兵車利馳驅故其制  
小車箱中空倭無所收載貴輕便也車轅曰軸上曲  
如梁分爲五處用皮鞮聯繫之駕車四馬兩服常居  
中惟兩騾在外以皮爲環當兩服背游移不定引兩  
騾外轡實于環執之使騾馬不外逸也又以皮二條



前繫于衡。後繫于軫。攔兩服馬脅外。以驅驂馬。使勿  
內入。礙兩服也。車下以板側拊曰陰。以皮二條前繫  
驂頭。後繫陰板曰鞅。使驂引之行也。陰板之上繫鞅  
有銀曰續。塗之以金。車上凭處有文彩之茵。車輪當  
心有轂。以外持輻。內受軸。而小戎之轂長于大車。欲  
其穩也。駕車之馬。青黑曰騏。左足白曰鼻。以此往伐  
西戎。征夫室家曰。言念君子。溫潤如玉。今方在西戎  
板屋之中。思之亂我心曲也。○章二四馬甚肥。六轡在  
手。騏驎二馬居中爲服。騶驪二馬在外爲驂。盾以扞  
衛。畫龍于上。合兩以備壞也。驂馬內轡曰軛。置銀于

軾前曰體以金鍍體係軻于上大軍徂征征士室家  
曰言念君子溫然在西戎之邑何時方是歸期胡爲  
使我念之也○章四馬倭空不被鞍甲甚羣而調和  
車上建公矛柄下有鏐鍍之以金盾畫以蒙有苑其  
文韜弓以韞虎皮爲之馬胸有帶刻金飾之韞中之  
弓交二千中其未張者閉之以竹約之以緼大軍旣  
行征夫家人曰言念君子卧起爲之不安厭厭然安  
靜之良人室家相與德音秩秩然不改其常也○小  
戎諸將士之戎車非元戎也元戎先列小戎繼之倭  
猶空也收車箱所以收載也戎車不載他物故曰倭

管子曰甲不堅密與倭者同實又曰將徒人與倭者同實言甲不堅與赤身無甲者同徒卒無器械與空手同也周禮庶人乘殘車車無飾曰棧義與倭通俗謂無鞍者曰倭馬三章倭駟是也檠蒙也冒也以革裹轅木也輶卽轅也一木當車底中從後直至前軫曲而上以便服馬進退至末又曲向下橫一木爲衡以駕馬制如舟底故名輶恐其不堅分爲五節以皮束之也游環以皮爲環引兩驂外轡貫其中執之環在轡上游移不定也脅馬腹旁也驅驅驂馬不內逼也釜流金也茵褥也以虎皮覆軾也暢長也板屋以

三言乃角 卷十二 大  
板爲屋西戎之俗也赤馬黑鬣曰驪黃馬黑喙曰騊  
駼矛蛇形矛也鐔矛柄下鐵銳者曰鐔平者曰鐔蒙  
厖通雜文也伐戡同盾也一名干一名櫓膺馬當胸  
也鏤刻金爲飾也鞬弓囊也竹閉以竹爲弓檠景也  
緼繩也滕縛也厭厭厚意秩秩有當也德音善言也  
室家相與之德音邶風日月云德音無良谷風云德  
音莫違與此同

小戎三章章十句

蒹葭加蒼蒼白露爲霜所謂伊人在水一方遡素回回  
從之道阻且長遡游從之宛苑在水中央○蒹葭淒淒

白露未晞所謂伊人在水之湄邇洄從之道阻且遠  
邇游從之宛在水中坻（雅）蒹葭采采白露未已所  
謂伊人在水之涘（次）邇洄從之道阻且右（則）邇游從之  
宛在水中沚

古序曰蒹葭刺襄公也毛公曰未能用周禮將無以  
固其國焉○朱子謂此詩未詳所謂以序說爲鑿非  
也周道親親尚賢平易忠厚黜詐力而卑武功自文  
武至宣幽國于岐豐民習先王禮教數百年矣平王  
東遷秦襄公據有其地始以攻戰爲事刑殺爲威其  
民愁居懾處思昔太和景象不復可見東望河洛有

游從宛在之思西視秦邦有艱難牽率之苦文武成  
康之澤維係民心而秦人慘礪之法束縛其手足自  
立國之初已然矣毛公所以謂之將無以固其國蓋  
周之興也詩歌蒹葭是春和之明景也周禮行而忠  
厚篤祐開十世有道之長秦之興也詩歌蒹葭是蕭  
殺之蕭晨也周禮廢而強梁腊毒兆二世撲滅之禍  
聖人刪定法戒昭然後儒不達詆爲鑿空豈不誤乎  
○章一蒹葭之生本蒹也今色改爲蒼秋氣慘烈白露  
凝戾爲霜化國之日一變而爲肅殺之晨矣我所  
思伊人其在河洛之間水之一方乎將迴洄逝流往

從道阻且長若遡游順流而下宛在水中央可得而  
卽也○章二蒹葭淒然荒涼露凝而白方未晞也我思  
伊人其在水之湄乎遡洄以從道阻于上升也遡游  
而從宛然在水中之高坻焉○章三蒹葭采采以爲薪  
白露凝而未已所思伊人在水之涘遡洄從之道阻  
出其右不相值也遡游從之宛在水中止可得而就  
也○蒹葭也葭蘆也荻小而蘆大伊猶彼也坻水中  
高地湄水草之交沚小渚也宛在中央言其近也自  
秦望洛順流而東故曰游從宛在

蒹葭三章章八句

終南何有有條有梅君子至止錦衣狐裘斯顏如渥丹

其君也哉

齊叶

○終南何有有紀

紀

有堂

常

君子至止黻

亮

衣繡裳佩玉將將

鎬

壽考不忘

古序曰終南戒襄公也毛公曰能取川地始爲諸侯

受顯服大夫美之故作是詩以戒勸之○朱子改爲

秦人美其君之辭亦車鄰駟驥之意非也按此詩美

而寓戒稱其顏色而諷以其君頌其佩服而教以不

忘非徒誇美之而已終南鎬京面山條言條理也梅

言謀也紀作杞堂作常棣也杞言紀常言綱治理謀

謨陳紀立綱皆脩政之比所以爲戒勸也○

終南



之山秦之巨鎮上有條焉有梅焉章不陸茂秀氣所  
鍾君子以王命作都其下服諸侯之服外錫錦衣內  
著狐裘顏色充盛如厚漬之丹其君也與哉慎勿忝  
此名邦也○章終南何有有杞焉有常焉君子至此  
開國承家脩明紀常其衣裳青黑之黻五色之繡佩  
王之聲將然服此服居此地壽考長存勿忘王命也  
○終南山名其君也哉規諷之疑辭條槲切也一名  
榎一名楸卽今梓也杞如樗一名狗骨堂常棣也  
終南二章章六句

交交黃鳥止于棘誰從穆公子車奄息維此奄息百夫

之特臨其穴

叶

惴惴

贅

其慄彼蒼者天

叶

殲

失

我良人

如可贖兮人百其身

○交交黃鳥止于桑誰從穆公子

車仲行

杭

維此仲行百夫之防臨其穴惴惴其慄彼蒼

者天殲我良人如可贖兮人百其身○交交黃鳥止于

楚誰從穆公子車鍼

虎

維此鍼虎百夫之禦

語

臨其

穴惴惴其慄彼蒼者天殲我良人如可贖兮人百其身

古序曰黃鳥哀三良也毛公曰國人刺穆公以人從

死而作是詩也○秦穆西戎惡俗輕生好殺君葬以

人殉武公之葬從者六十六人至穆公用百七十七

人子車氏之三良亦與焉然詩人不刺康公而刺穆

公何也。三夏之殖。穆公之志也。嗣君因先世遺風。重以厥考之命。自非賢哲。焉能獨已。使穆公有治命。能革其故。自可無此舉。生平悔過作誓。思以賢遺子孫。身死而自殲其善類。詩人所以惡之。厥後始皇崩。令後宮皆從死。工匠皆生閉壙中。遺謀不善。子孫好暴。遂以族滅。聖人刪詩存黃鳥。脩春秋不卒穆公。誠惡之也。黃鳥知時。以比賢哲。棘急也。桑喪也。楚愁也不當止而止。亦以諷三子也。使三子知幾。可無及於難。臨穴而懼。雖百贖不可得已。○章一交交然飛而往來之黃鳥。良禽也。爾何止于棘乎。誰從穆公之死。子車

氏名奄息者與焉此百夫之特出也思其臨壙使我  
惴然戰慄彼蒼者天盡殺我善人若其可贖吾民願  
以百身贖之矣○章二交交黃鳥爾何止于桑乎誰從  
穆公之死子車氏之仲行與焉此百夫之隄防想其  
臨穴使我惴慄天絕我良人如其可贖不惜百身矣  
○章三交交黃鳥爾何止于楚乎誰從穆公之死子車  
氏之鍼虎與焉此百夫之敵也想其臨穴使我戰慄  
天絕我良人若其可贖願百其身矣○殲盡也禦當  
也

黃鳥三章章十二句

魴聿彼晨風分叶鬱彼北林未見君子憂心欽欽如何如

何忘我實多○山有苞櫟歷叶隰有六駁利未見君子

憂心靡樂如何如何忘我實多○山有苞棣弟隰有樹

櫟未見君子憂心如醉如何如何忘我實多

古序曰晨風刺康公也毛公曰忘穆公之業始棄其

賢臣焉○朱子改爲婦人念其君子之辭非也凡詩

思念稱君子者如皆以爲婦人則男子盡無思而君

子獨婦得稱其夫乎亦固矣晨鷦同鷦也搏擊羣鳥

其疾如風秦俗好戰士以猛犖爲賢故以爲比臣擇

君如鳥擇木向陽者茂而北林蕭索鷹鷦在野則

驚而遇林則阻。櫟與棗皆大木。而苞叢生。樹大者其  
皮斑駁。櫟在山者苞在隰者六駁則大木羅列矣。棗  
在山者苞在隰者樹樾則喬林矣。皆賢人失所之比。  
○章 駭然急疾之晨風歸彼鬱然之北林。吾人際會  
先公望秦國來歸。而今不得朝陽。亦猶此君子嗣服  
使我不見。憂心爲之欽欽。不寧是果如何哉。如何哉。  
多應忘我矣。○章 山有苞櫟。不得遂其高。隰有六駁  
大木陳列在下。士之失所亦猶此。未見君子憂心爲  
之不樂如何哉。如何哉。忘我必多矣。○章 山有叢生  
之棗。隰則成樹。而上樾。今秦之士亦猶此矣。未見君

子憂心昏然如醉如何如何忘我必多矣○魀疾飛  
貌晨風鵲也檠檠也馬雜毛曰駮檠樹大者皮有蘚  
文似之故射禮謂馬爲皮樹或曰駮赤李也馬赤白  
曰駮檠木上遂也與禾穗通

晨風三章章六句

豈曰無衣與子同袍叶王于興師脩我戈矛謀與子同

仇求○豈曰無衣與子同澤叶王于興師脩我戈戟叶

與子偕作○豈曰無衣與子同裳王于興師脩我甲兵

邦叶與子偕行

古序曰無衣刺用兵也毛公曰秦人刺其君好攻戰

亟用兵而不與民同欲焉○朱子改爲秦俗樂于戰  
闕其人平居相謂之辭非也其君平居不能惠民假  
王命復讐以日從事于干戈語曰食人之食則事人  
之事樂人之樂則愛人之憂君不與民同欲而責其  
死力難矣所以刺之○章一維吾與子同在行伍之中  
豈曰子無衣君能解衣衣子而同袍乎平居未嘗衣  
汝也但王命興師則令我脩戈矛與子同仇伍耳○  
章二豈曰無衣與子同裏衣之澤乎但王命興師則使  
我脩矛戟與子偕作耳○章三豈曰無衣與子同裳乎  
但王命興師則使我脩甲兵與子偕行耳○戈柄短



戟柄長戟三刃上出戈二刃旁一鉤矛卽今之鎗仇  
匹也

無衣三章章五句

我送舅氏曰至渭陽何以贈之路車乘去聲黃○我送舅

氏悠悠我思何以贈之瓊瑰歸玉佩叶

杯

古序曰渭陽康公念母也毛公曰康公之母晉獻公  
之女文公遭驪姬之難未反而秦姬卒穆公納文公  
康公時爲太子贈送文公于渭之陽念母之不見也  
我見舅氏如母存焉及其卽位思而作是詩也○朱  
子謂秦康公爲太子送舅渭陽而作非卽位以後之

詩非也詩三百編次與尚書二十八篇世代先後井然此詩居黃鳥晨風後其爲康公卽位以後詩甚明故古序不曰太子送舅而曰康公念母其旨自遠蓋子有母而後有舅念舅卽所以念母其送舅也本因念母之情故其念母也追憶送舅之事若送舅則太子時作若念母則不應以念母詩爲送舅詩定知不作于渭陽送別而作于重耳旣卒之後康公卽位重耳卒七年矣追思昔日見舅如母今母不見而舅亦亡不忍直言思母而但追憶送舅生死別離之感惻然言外渭陽所以千古含悲也苟無序說尋常餞別

語耳序所以爲詩根柢不可易也○章一人生親以及  
親莫如舅昔者舅氏過秦我送至渭水之北行必以  
賸何以贈之路車四黃所以資其行也○章二昔我送  
舅猶幸有舅在見舅如見生我我思何長也行必有  
賸何以贈之有瓊瑰之玉佩以象其德也○水北曰  
陽秦都雍在渭南東送至咸陽之地也人君之車曰  
路車路大也古者萬夫有川川上有路路容三軌軌  
廣六尺故大曰路乘黃四馬色皆黃瓊美玉也瑰石  
似玉也

渭陽二章章四句

權輿

字叶

於我乎夏屋渠渠今也每食無餘于吁嗟乎不承權輿

○於我乎每食四簋叶今也每食不飽補于嗟乎不承

古序曰權輿刺康公也毛公曰忘先君之舊臣與賢

者有始而無終也○章始君於我處以大屋渠渠然

深廣今也禮衰供薄每食無剩餘吁嗟乎不承繼其

始矣○章始於我乎每食四簋至豐盛也今者食不

充飢吁嗟乎不承繼其始矣○夏屋離宮別館之類

或曰高俎所謂大房也權輿始也造衡始權造車始

輿簋盛稻梁容斗二升或瓦或木爲之內方外圓曰

盤內圓外方曰盤

權與二章章五句

毛詩原解卷十二終